

金  
石  
萃  
編

金石萃編卷一百二十九

賜進士出身 誥授光祿大夫刑部右侍郎加七級王昶撰

宋七

重刊旌儒廟碑

碑高六尺四寸廣三尺八寸二十七行  
行四十八字正書篆額在臨潼縣學

大宋重刊有唐旌儒廟碑 并序

兵部侍郎賈至撰

都官郎中徐珽書

觀象考輿本乎蠡辯方正位稽乎極體臨御極先乎教  
教之大莫大於儒旌儒有祠我新典也昔秦滅義軒之

制廢唐虞之則大搜學徒竭索儒黨懷書捧檄鱗集腐  
至然後罪北流之異論尤百氏之殊術無辜殺身有道  
併命冤骸積於坑谷流血浮於泉壤蹈仁義而死者不  
可勝紀開元末 天子在麗山之宮登集靈之臺考  
圖驗地周覽原隰見鄉名坑儒顏漸猶在慨然感亾秦  
之敗德哀先儒之道嗟彊死千載遊魂無依乃 詔

有司是作新廟牲幣有數以時饗祀因祠命鄉號曰旌  
儒人神和悅怨氣消散於戲秦皇帝以神蓋邁古并吞  
六合掃天下以一筭翦羣雄如衆草建官能候大懼在  
己曰軒轅已降平一宇宙未有若此之虐也夫戡亂以

述守蓋以文文以正崇蓋以權勝秦皇知權之可以取  
不知正之可以守向使天下既定守正崇儒遵六經之  
謨訓用三代之文質則黃軒盛美湯武宏業之不若也  
觀坑焚之意乃欲蓋先王能事竊作者鴻名莊衆耳以  
前聞逞私愆於當代此儒之所忌秦之所志悲夫儒以  
恭儉爲宗秦則疲弊生人極力宮室儒以道德柔遠秦  
則竭耗中國勞師四夷儒以宥過議賢秦則刻法峭刑  
賊虐諫輔儒以述先好古秦則師心徇智擗弃墳典夫  
如是則秦不得不滅儒不得不坑事使然也 今

天子矯覆車之前軌崇明祀於後葉秦之所廢我之所

與斯區夏無疆之休子孫萬代之福也昔武王封比干  
墓則招諫之道勅矣晉文表糶上田則志過之名立矣  
漢高護信陵冢則尊義之風著矣宋若激揚大教廟食  
衆賢土以興天地之經次以存顛覆之鑒下以絕厲災  
之肯建一祀而三德具焉厥臣不敏敢作頌曰

於維先王設教崇儒乃作六經爲代興藝降及夫子三  
千其徒再揚清風文在茲乎天嗟斯文道有通塞寔生  
暴秦反道敗德竊善壞美師心徇賊焚青坑儒萬古悽  
惻半落千祀微范九原驪山之北圻堦猶存草樹無顏  
愁雲晝昏時聞夜哭知有冤冤  
帝在華清登高訪

古惻然頽堂悲京榛莽上感也秦覆車遺芷下哀羣愆  
糞祀無主爰降 嘉詔聿修清祠饋之牲牢奠酌以時  
幽幽廟門肅肅靈儀冥冥求食長無餒而粿自漢初迄  
于隨閩亦有令主尊儒尙訓闕典罔崇斯文莫振昭昭  
神理長懷幽憤 我后濬哲聰明文思敷宏大教  
咸秩神祇鬼無妖災人不癘疵俾爾蒼生福壽無期小  
臣作頌敢繼劇詩

聖宋三葉皇帝統位之十二年 至德動天祥符薦  
降遂修大禮於喬嶽告厥成功綽自三泉尉奉職貢  
以及明年春 恩除知宰是邑不數月以政簡民泰

遊訪郊野去縣西南三里曰令公谷谷口崖壑深邃  
臨之惴惴然乃秦坑儒之所也頽垣圯基髣髴廟口  
乃唐旌儒之廟也豐碑薛判文字殘缺卽兵部賈公  
之詞也讀其文十無三四矣自唐室喪亂追踰百祀  
豐潔之饗寂寥無聞因嗟先儒之塗炭痛斯文之將  
墜不有更制必將長絕旌顯之詞旣滅幽坑之憤復  
興遂命磨礱重新書刻庶以副

聖君考古旌

善之道也止欲立於舊址則弗免樵童牧豎之所斲  
毀風雨塵藓之所夷剝乃遷于邑中 宣聖廟從經  
久也冀遊覽者不勞於命駕博識者坐究其始終旌

儒之德坑儒之暴善惡之跡不假復書但叙其移碑  
之歲月爾時大中祥符三年太歲庚戌五月十五日  
將仕郎試秘書省校書郎知京兆府昭應縣事張棹  
記并重書篆額

將仕郎守昭應縣尉兼主簿事左惟永

通直進士王口口建立

陝府西路諸州軍提點刑獄公事朝奉郎尚書都官  
員外郎上輕車都尉賜緋魚袋李口口

陝府西路諸州軍同提點刑獄公事東頭供奉官內  
閣門口口郭盛



陝府西諸州水陸計度轉運使兼本路勸農使朝散  
大夫行尚書司封員外郎上騎都尉賜紫金魚袋薛  
顏

陝府西諸州水陸計度轉運使兼本路勸農使朝散  
大夫行尚書屯田員外郎輕車都尉賜紫金魚袋李  
士龍

觀察支使宣德郎試大理評事兼監察御史范吳  
節度推官承奉郎試大理評事楊紆

朝散大夫守尚書工部侍郎兼水興軍府兼管內勸  
農使同管勾駐泊兵馬事兼提轄乾羅商華坊丹同

等州巡檢捉賊事輕車都尉清河縣開國伯食邑九  
百戶賜紫金魚袋張秉

朝奉郎尚書屯田員外郎通判永興軍府兼管內勸  
農口口事上騎都尉賜緋魚袋冉宗閔

觀察推官將仕郎試秘書省校書郎姚拱

河中遂有方鏤

關西道雍州昭應縣坑儒谷在縣東南五里始皇以  
驪山溫處令人冬月種瓜招天下儒者議之各說不  
同因發機陷之唐元宗改爲旌儒鄉立旌儒廟賈至

爲碑文

太平寰宇記

右碑頁至接廟在臨潼縣西南二十里驪山半原橫  
阮村舊名阮儒鄉引漢書注顏師古曰新豐縣溫湯  
之處號愍儒鄉西南三里有馬谷谷之西所有阮相  
傳爲秦阮儒處衛宏詔定古文官書序云秦旣焚書  
患苦天下不從所改更之法將諸生到者拜爲郎七  
百人乃寤令冬種瓜于驪山阮谷中溫處瓜實成詔  
博士諸生說之人人不同乃命就視之爲伏機諸生  
方相難決發機從上填之此則愍儒之地也唐天寶  
中改爲旌儒鄉立旌儒廟按史記始皇三十五年因  
盧生侯生亡去遂疑諸生在咸陽者爲詭言以亂黔

首于是使御史悉案問諸生諸生傳相告引乃自除  
犯禁者四百六十餘人皆阮之自除云者猶自守免  
罪也則所阮者在四百六十餘人之外並無數目未  
知衛宏所云種瓜冬實七百人決難有何据也金石錄  
文云天寶中改坑儒鄉爲旌儒鄉冊府元龜云天寶  
元年改麗山爲會昌山仍于坑儒之處立祠以祀遭

難諸儒

關中金  
石記

右重刊旌儒廟碑按唐書地理志昭應縣有旌儒鄉  
有廟故坑儒明皇更名碑本唐兵部侍郎賈至撰都  
官郎中徐珽書在昭應縣西南二里令公谷卽秦坑

儒之所也大中祥符初知昭應縣事張綽以碑年久  
剝落重書勒石移置城中至聖廟并記其顛末于碑  
左方宋史地理志臨潼縣唐昭德大中祥符改此碑  
立于大中祥符三年五月縣名尙未改史以昭應爲  
昭德傳寫之訛爾碑未知永興軍府張秉結銜云同  
管勾駐泊兵馬公事兼提轄乾耀商華坊丹同等州  
巡檢捉賊公事與咸平二年劉知信結銜又異此皆  
史家所未詳也

潘研堂金石文跋尾

按碑立于大中祥符三年後列銜名十人以史傳  
攷之薛顏字彥回河中萬泉人果擢三司鹽鐵判

官丁謂薦代爲峽路轉運使遷尙書虞部員外郎  
陳進反勾當廣南東西路轉運司事賊平遷金部  
員外郎改河東轉運使祀汾陰徙陝西是其官員  
外是金部非司封官陝西在四年非三年與碑不  
同張秉字孟節歙州新安人景德初累拜工部侍  
郎出知永興軍府祀汾陰爲東京留守判官其知  
永興在四年祀汾陰以前與碑合餘俱無攷鑿者  
河中遂有方風俗通遂秦邑其大夫封于遂因氏  
焉前漢蒙鄉侯遂普王莽大司馬遂並後趙遂明  
其見于元史者有修武人遂魯曾見于明史者有

鎮撫戰死之遂德山仁和人遂端柳城人遂中立  
安平人遂果見于明詩綜者有遂昶遂希韓惟宋  
代不見于史籍因表出之

沂陽縣普濟禪院碑

碑高六尺七寸廣三尺七寸五分三十  
二行行五十五字行書篆額任沂陽縣

沂陽縣龍泉山普濟禪院碑銘

并序

宣德郎守尚書都官員外郎知隴州軍州兼管內勸  
農事上騎都尉賜緋魚袋借紫閣仲卿撰

京北府廣慈禪院文學沙門善隗習晉右將軍王羲  
之書并篆額

偉哉大雄氏之設教也始自周昭降乎西土終傳漢斐  
乃遍中華羣生得悟於三乘萬化爰歸於一印超騰聖  
果變金地而有因指救迷塗周沙界於無際於是人寰  
之內梵刹傾依塵網之間法輪常轉上以助

皇

王之異政下以鼓洪海之長瀾歷代承宗空門相望並  
著龜而取鑑酌善惡以歧分口無古以無今知有名而  
有統捫禪聚學莊嚴須臾於祇園行道司時翕習勤瞻  
於佛相普天之下真風摠持率土之濱清淨求本探龍  
宮而何極窮花藏以尤深齊日月以爭輝其乾坤而可  
久縱陵谷遷易難搖於四洲而風雨晦明常登於五位



闢揚解脫之理尋除煩惱之根億萬斯年人天作會圓  
通了義瑞應彌彰噫非上士勤行之者其孰能與於此  
乎今沂陽縣龍泉山普濟禪院起自唐武德中創建迺  
後因時而毀鞠爲茂草形勝甚構宛爾在焉直至開平  
四年豐德山僧鑿幽窟此叅遊企慕靈跡曰跣足之地  
賢聖擇之化俗之方資緣可已負荷荷插就巖谷之平  
口是板是築架臺殿以浮光脩竹叢林乍迎春景繼流  
梵唱豈異仙居同光二年完葺未周有天蓋山宏表禪  
師惠然而來移住於此於廣順元年奄化付門人進明  
僅四十餘載值顯德中廢置建隆內存畱洎開寶元年

賜紫僧進詞又纒明以居之經營度財弗違寧息重疊  
興替益增感口太平興國三年方降  
勅改爲普

濟禪院今之院主僧定莊克嗣其裔懇志虔恪積世五  
代聯綿永昌踰時百年光景如昨觀其峻宇高下飛泉  
淺深據汧隴之東陲面寶鷄之南極古木轉虬龍之狀  
秋霞張綺繡之輝金磬初聞似傳聲於碧落朱樓半出  
疑接影於清涼非凡喜喻於王城安衆靡殊於鷲嶺晨  
昏動止俱生十智之心歲月香燈對守八關之禁前走  
長安之道高連吳岳之雲其口異也可以攀七葉岳其  
虛廣也可以召千羅漢洞楹刻桷妙用神機曲檻迴廊

丹青絕筆比往之制度十倍其功當今之規模獨處其上若夫太華之陟祀樊川之花巖天台之國清中條之萬固皆幽奇貫絕車蓋罕到之處而或列於茲境者亦未許同日而論耳曾何必瓊瑤瑪瑙疑口於皆除琉璃旃檀累成於龕室然後以言其真淨福利也惟達識而能議之于以見主斯院者夙夜而不息其事焉其定莊早厭煩籠堅持法口紹分流之派滋連業之榮播披糞掃之衣式報真如之願察其舉措諒足多焉至於葺園新陞松蘿舊塢彩繪塑像金碧盈堂道俗咸欽檀施餘積率從心匠匪曰天成是使戎聚之徒尋訪以如織吉

祥之譽歡愜而動人仲卿景德四載冬罷守于鄭來牧隴右涉汧陽路次之北賞其山之鬱秀或對曰龍泉山院明年秋奉

上旨給假西都遷祔乃紆步以登

于是焉其峽塏雅致則精微萬態目不能捨任鋪舒而罔及也忽有定昭定暉率羣僧進言謂院之得頡而實無碑情激再三不敢固請仲卿以其脫洒拔塵事狀可錄式因公餘含毫盡激理而摭實復爲銘曰

惟此南洲尊崇佛事傳由西土森羅漢寺現白毫相布黃金地代歷幾千法稱不二其天地覆載聖教攸先日月臨照梵刹相連禪宗有覺沙界無邊清淨之化聲色

之緣其二高懸慧日下燭重昏塵勞解網方便開門修持

之道布施之源體若夫子記諸善言其三庄嚴多般種種

供養環寶窮奢重重瞻仰其神自通其文弥廣鑒戒足

徵報應寧爽其四汧陽指東龍泉居北院宇隆盛嵐煙登

陟園林蔽空雲霞隱色基構口旋嘉名永得其五峨眉西

顧彩鳳東隣門臨四達勢接三秦風清銷署地暖涵春

顯茲勝槩貽之後人其六殿閣孤標工巧增飾中座眈眈

飛簷翼翼樹老飄紅潭腥湧黑安樂道場何往弗克其七

端齊鶴樹儼若蓮宮諸漏已盡空王大宗美哉靈跡厥

揚真風一垂貞範將播無窮其八武成安文琛刻字

大中祥符三年歲次庚戌十一月丙子朔九日甲申

建院主僧定莊典座僧定昇修造主講金剛經

僧定昭維那僧定暘供養主持瑜珈大教僧定暉佛  
殿主僧定真直歲僧定暘勾當僧定暉

左班殿直兵馬監押兼在城巡檢李濟

承奉郎守國子博士騎都尉賜緋魚袋監酒稅軒轅

毓

朝散大夫行尚書職方員外郎知軍州兼管內勸農  
事上輕車都尉口紫穆說

將仕郎試秘書省校書郎口汧源縣事權推官楊偕

將仕郎試秘書省校書郎守司法叅軍權判官楊正用

內品宣德郎守內侍省內口伯武騎尉監酒稅梁延意

將仕郎守司理叅軍王修己

將仕郎守司戶兼錄事叅口鄭義方

將仕郎守汧陽縣尉王曦

將仕郎守汧陽縣主簿李守節

將仕郎守汧陽縣令張國寶

碑在汧陽于侍御永清始獲之亟稱賞以爲不滅聖

教余得一紙觀其書非惟不及聖教抑且不及隆嗣  
法師碑時代爲之非書者責也書者爲僧善僞署口  
習晉右將軍王羲之書其年爲大中祥符此時蘇黃  
四家未出故書雖遜古猶有唐風

石壁  
鐫華

廣慈禪院者卽府城之香城寺也爲晉天福時改名  
古有集書無稱習書者習書應是依仿爲之此碑筆  
畫雖近却甚拙陋如闔字作門內陷右軍時必無此  
體尤爲無所據矣

闔中金  
石記

闔中金石記云古有集書無稱習書者習書應是依  
仿爲之筆畫雖近却甚拙陋如闔字作門內陷右軍



時必無此體余案碑中譌字尙多如虔字似虔門右似冈迎字似邛狀字左肩右戈奢字从大範字从凡至冠絕作貫絕容可通用樊籠作煩籠殆不可通矣聞字內左作卩右作少下日似陷字而亦非也

集

抱經堂文

按陝西通志普濟禪院舊名龍泉寺在汧陽縣東十五里龍泉山龍泉一名隴泉有泉出山下故名此碑撰者閩仲卿史無傳聞之作闕宋人作字往往增偏傍以爲異文不必盡合六書集韻云閩或作壩旣可以加土卽可以加阜其例一也後列銜

名十一人以史傳攷之李潛附潘美傳李超之子  
字德淵冀州信都人然不言其官在城巡檢或別  
一人楊偕字次公坊州中都人少從仲放學于終  
南山舉進士釋褐坊州軍事推官甲開源縣再調  
漢州軍事判官數上書論時政又上所著文論召  
試學士院不中改永興軍節度推官又上書論陝  
西邊事復召試不赴卽遷祕書省著作佐郎是其  
官祕書省在知開源縣之後與碑不同李守節有  
傳乃周三臣李筠之子開寶中官和州團練使者  
非此人餘俱無攷

藍田縣文宣王廟記

碑高六尺四寸三分廣三尺五寸五分十六行行四十字隸書在藍田縣

藍田縣重修懋聖文宣王廟記

沃州僧嗣端書

居至尊之位立至聖之教者皆可以行帝王之道居位則澤及壹時身既歿而位且絕立教則化行萬古身雖歿而道愈尊自姬周歷有唐 聖宋稱古之居至尊

行帝王之道者以唐虞夏商爲稱首尊其号則曰堯舜禹湯故後之臣下有以文言達 君上必曰登堯邁

舜而夫子立至聖之教行帝王之道千載之下歷有唐

聖宋王者幸闕里陳釋奠忘 萬乘之尊行北

面之禮在唐宗號曰文宣於今增封曰獻聖如是則夫子之道可易量哉故再頒 明詔而自國至於郡自

郡至於邑與七十二子重煥昨容歷億萬斯年長享廟食士君子由 先師之教居郡邑之長者得不盡心乎

藍田縣舊隸正畿古稱名邑俗飲詩書鄉富禮義何廟貌頽弛多歷年所椽桷摧風雨服冕委塵泥口如魚而安仰歎何陋之茲甚人忘本根官孰完葺富春孫侯穆之由榜口登進士第初官師古所至稱治去年自蘭臺佐著作權宰是邑既視事之明日覩 先師堂室卑陋

愀然變容首出俸資始議必葺卽有齋郎白文政趙洙  
洎舉公士族子弟其一十九人昌言曰願贊成其事家  
輸錢繕戶減儲蓄市杞梓之材逾月而山委購般王之  
匠匪朝而子來棟宇窮宏壯之妙繪素畢輪奐之功塑  
十哲侍坐於正殿之間畫象賢環立於兩序之下山龍  
華蟲藻服具舉籩豆簠簋祭器陳列不勞而成如謂斯  
蒼君子曰非孫侯至德移風俗至誠通神明何速成之  
若是也儲事孫侯爲同年長解印之暇枉道來觀命文  
紀實不敢勞讓皆大中祥符四年  
皇帝紀於陰

之月壽進士董儲記

將仕郎游守縣尉兼主簿張九錫 將仕郎守縣尉  
兼主簿張慎吉 將仕郎守秘書省著作佐郎知縣  
事孫穆之 進士姚慶 立

安燦刊字

孫穆之者宰是邑修孔廟而進士董儲記僧嗣端書  
董文靡弱殊無足採嗣端分隸則深得唐人法者后  
者大中祥符四年皇帝祀汾陰之月攷史爲二月是  
時契丹歲幣三十萬而水發徐兗旱連江淮無爲烈  
風金陵大火帝方且侈天書之妖尋漢武唐元之蹟  
無怪其后世之不振也

石墨  
鐫華

按碑云富春孫侯穆之登進士第初官師古

此語未詳

或謂其居官師法古人也

所至稱治去年自蘭臺佐著作權宰

是邑觀先師堂室卑陋首出俸資始議必葺云云  
檢陝西通志既不載修廟之事於學校復不載其  
政績於名宦又檢杭州府志選舉文苑循吏皆無  
其人可見此碑從不傳於世宜据此以補兩志之  
缺也書者沃洲僧嗣端石墨鐫華稱其分隸深得  
唐法然棧桷之槩从襄作樓則誤矣命文紀實不  
敢勞讓勞讓卽勞謙之意猶固讓也然唐碑有作  
牢讓者

龍門銘

碑高九尺一寸廣五尺三寸十三行行二十五字正書在洛陽

口製御書并篆額

夫口而爲口口而爲谷設險阻於地理資口距於國都  
足以表 坤載之無疆示神州之大壯者也矧復洪源  
南導高岸中分夏禹潛川初通關塞周成相宇肇建王  
城風雨所變形勢斯在靈葩珍木接吟而揚芬盤石樞  
泉奔流而激響竇塔千尺蒼崖萬尋祕等覺之真身刻  
大雄之尊像豈獨勝遊之是屬故亦 景貺之

潛符躬薦兩圭祀

汾陰而祈民福言旋六轡臨雒



宅而觀土風既周覽於名區乃刊文於貞石銘曰

高閣巍峩羣山迤邐乃因王城是通伊水

形勝居多英靈萃止螺髻徧羣鴈塔高峙

奠玉河濱回輿山趾鳴蹕再臨貞珉斯紀

大中祥符四年三月十一日

李燾通鑑長編云大中祥符四年二月辛酉具法駕  
詣睢壇二月己卯車駕入西京今碑云躬薦兩圭記  
汾陰而所民福言旋六轡臨雒宅而觀土風卽其事  
也玉海云祥符四年三月癸未作游龍門詩有寶塔  
一新輝勝梁玉毫口飾罄殊功之句又作龍門銘書

史會要稱真宗善書得晉人風度觀此碑欲出蔡襄之上宋代未有過之者朱子評書云書學莫盛於唐然人各以其所長自見而漢魏之楷法遂廢入本朝來名勝相傳亦不過以唐人爲法至於黃米而欲傾側媚狂怪怒張之勢極矣朱子之言如此予觀真宗書乃無此弊當時見之得不懣然心服邪

中州金石記

按龍門銘又謂之伊闕銘金石攷云真宗御製伊闕銘大中祥符四年卽謂此銘也此碑今尙可搨泐者五字不知施誠撰河南府志金石卷內何以注云佚也

老子度關銘并四子黃

碑高六尺四寸廣三尺八寸六分作五層首層度關  
關二層銘二十六行行十三字隸書二層會真關四  
層讚二十七行行八字正書額題四子會真之圖六  
字篆書下層跋二十八行行七字草書在整屋縣

老子度關銘

夫聖達之心無適無莫神化之迹或間或章儻選烈之  
昭然卽生民之仰止函谷關者

老君西昇之途

也若夫含真上憲闡教彊名屈滅室以栖真邁流沙而  
匿景仲尼問禮旣吐於微言文始受經復占於真氣斯  
竝存之前載播厥方來若乃萬壽之季至神之道臻乎  
豈有豈易殫云踐崧之郊疏河之境偃馭所歷車轍如

存揭旨關梁見嶠函之阻紀斯縣邑彰靈寶之休所謂  
人往而教存世殊而地久朕恭祠坤載因舉時巡淵默  
之風永懷於瞻望清靜之治靡捨於宗師將振清塵俾  
采翠響銘曰

教父潛真 神龍比德 方事神游 爰符默識 聖  
言聿昭 生民爲則 載望函關 永存軌蹟 寫妙  
無疆 清輝罔極 齋幣云經 貞珉迺刻

大中祥符四年帝祀 后土于汾陰駕至函谷關製  
文勒石

大德庚子歲重刊于 衙祖說經之臺

四子讚

唐嵩嶽宗魯先生吳筠述

南華真人

南華原道宗靈遠故不測動與造化游靜合泰和息放曠生凡外逍遙神明域況乃資九丹輕舉歸太極

沖虛真人

沖虛真至理體道自然通不受于陽祿但欲壺丘宗洽然竟何依撓撓游太空未知風乘我爲是我乘風

通靈真人

通靈貴陰德利物非市朝悠然大江上散髮揮輕撓已

陳編惟說復表滄浪謠滅迹竟何從遺文獨昭昭

洞壘真人

亢倉致虛極潛迹依遠岫智去愚獨留日虧歲方就鄉  
人謀尸祝不欲聞俎豆尚賢非至理堯舜口爲隔

終南山古樓觀大宗聖宮立石

大道隱□□起

靈元降世著五千文垂清靜自

然之教爲□□□雖易知易行而巧僞成性反若登  
天之難四子繼出發揮祖述其道始行由是言之四  
子爲靈元良弼歟故世稱四輔唐開元間大興靈  
學封四子真人號尊四子書爲經且以南華光明頌

大擴充其教功若聖門之孟子位諸三子之上蓋朝  
典也經臺舊有吳尊師黃圖自經汭蕩惟江表僅存  
今則壁返秦庭珠還合浦不翅披雲霧而覩青天何  
其幸歟乃復寫之琬璵與天下公其必有目擊道存  
者矣大德辛丑歲旦日住臺一虛叟題

按老子度關銘檢玉海載真宗御製獨不見此文  
惟樓觀之緣起則云關令尹傳曰尹喜結草爲樓  
精思至道周康王聞之拜爲大夫以其樓觀望故  
號此宅爲關令草樓觀卽觀之始也一云周穆王  
尙神仙因尹真人草樓在終南山之陰召幽逸之

人尹軌杜冲謂之道士居於草樓之所號草樓觀  
又据冊府元龜唐元宗開元十年四月帝夢京師  
終南山趾有天尊之象求得之于整屋樓觀之側  
此又唐時興建之始也樓觀之制陝西通志云唐  
高祖自以系出老氏元宗尊爲元元皇帝詔改樓  
觀爲宗聖觀宋端拱三年詔改順天興國觀元中  
統元年改爲宗聖宮前爲四子堂及文始三清二  
殿再進則望氣樓後爲宗聖宮宮後林莽翳繞有  
臺據高岡之上曰說經臺此碑稱古樓觀之大宗  
聖宮蓋觀之改宮始于皇統而碑爲大德年間所



立故稱官也四子者南華爲莊子沖虛爲列子通  
元爲文子洞靈爲亢桑子四真人贊爲唐吳筠撰  
至元大德庚子辛丑二年之間住臺道士合宋銘  
唐贊刻石立于說經臺上題記於後自稱一虛叟  
而不署姓名庚子爲大德四年辛丑爲五年

### 石保吉碑

碑下缺約高一丈四尺七寸廣五尺八寸三  
十五行字數無考正書篆額在洛陽石碑室

大宋故推忠保節同德守正翊戴功臣鎮安軍節口陳  
州管內觀察口口口使開府儀同三司檢校太師口中  
書門下平章事使持節陳州諸軍事行口口刺史兼管

內勸農使上柱國駙馬都尉西平郡開國公食邑一万  
三千九百戶□□□□□□□□□□□□□□□□

翰林學士同修 玉清昭應宮使太中大夫行右諫  
議大夫知 制誥判登口檢院柱國隴西郡開國侯  
食邑一千三百戶食實封貳伯戶賜紫金魚袋臣李  
宗諤奉 勅撰

翰林待 詔朝請大夫守將作少監口口騎都尉臣  
白憲奉 勅書并篆額

臣聞 哲王紹慶基而撫運必有方召之侯然後  
隆保大定功之業良臣益明略以輔世非遇 勛

華之主不能展開物成務之績則乃興邦茂勲之後亦  
葉重侯之貴聯姻 帝室廣降嬪築館之榮致位

公朝極出藩入輔之盛從□□□□□□□□

親觀□□□□□□□□□□舊封克下具美歷考前

聞未有如 故陳師西平公者也 皇帝南汾

祈殺之年 華闕旋衡之日 大宮飲至方捨

爵以榮勲雲臺觀像遽興懷而念舊以爲紀功筠簡已

藏虎觀之書相質松阡未舉龜趺之制爰頒 詔旨

申命詞臣備□□□之辭冀揚不朽之烈臣乏公西口

識下懼敢憑實錄以示方來按石氏之世家本姬周而

肇姓康叔封受社而開國大夫確立義而揚名世胄聿  
昌英賢間出蟬聯錫口史不絕書稽乎譜系閩閩之盛  
其所由來舊矣 公諱保吉字祐之本家於真定後

徙居浚儀今爲大梁人也大王父諱銳累贈太子口侍  
中積善在躬韜光口耀終協其昌口口口口大下流光

慶鍾貽厥勗清風以垂燕翼樹陰德以大門間惟烈考  
鎮安軍節度使守中書令贈尚書令追封素王諱守信  
輔 皇宋之開基爲元勳而佐命位崇上將名冠列  
藩平叛墨於惟揚剪癘階於上黨 聖祖薦填箠

之口契君臣之分尤盛 口口口口口口之純誠終

始之恩彌渥優游五鎮朔下口政備存表道之碑莫之與京此不具載 公卽秦王之第二子母曰秦國太

夫人魏氏嶽瀆孕靈熊羆兆夢靡童心而好弄挺奇節以不羣論兵究三略之書撫劔學萬人之敵九苞威風迥標瑞世之姿千里神駒早動過庭之歎口王之節制汝上也公實口行口口口口內都指揮使恭惟

口口賢口

下太祖皇帝第二女也以

帝子之

尊漸公宮之教降星津而下嫁開王第以疏封將擇名才必先貴胄公以列侯之子膺副馬之求式協 帝

俞允符時望選尙之日授銀青光祿大夫檢校工部尙

書左衛將軍駙馬都尉義武弁衛周廬星紀載遷龍私

荐洽遷檢校尚書左僕射行州刺史下太宗皇帝不

承 寶命嗣守 瑤圖展愛沁園益鍾

眷眷推恩魯館特峻徽章進位檢校司空充本州防禦

使三年肆類 上帝珪璧嚴 泰時之祠四

年薄伐太原金鼓下實沉之壤公陪竹宮之望拜扈

革輅以親征既□□□之□□□□□□□□□□

□□□□□□陪金紫下拜朔州觀察使九年夏六月先

王薨於淮陽 先皇帝痛股肱之虧悲梁木之

壞永惟同德之舊遂推延世之恩有子象賢克家濟美

公侯必復金革從權起於苦由之中寵以旌幢之貴制  
授起復雲麾將軍右金吾衛大將軍口州刺史威襄軍  
節度使祥琴既御命口口口進階光祿大夫俄纏口口  
之哀闕下太行之險是爲襟帶之地素重腹心之寄僉言

綏撫允屬勲賢受 詔知河陽軍州事大河之北魏爲  
咽喉歷代已來號爲巨屏歲七銳旅以備盛秋守土摠  
戎素有難才之歎頒條鞠旅遂膺兼領之榮移知天雄  
軍兼 兵馬都部署公以 王口口口口口口口口口口

口口口口口口有若於生知法令之行闕下衆也畏愛兼資  
而人莫敢犯故連營士卒仰三令之嚴闔境蒸黎戴二





平軍節度使歲在乙亥邊城晏開控弦之衆內侵插羽  
之書狎至虎臣式遏尙稽月捷之音 鑿輅有征遂

口口巡之馭

詔以公充河北諸路行營都部署公

稟

九重之成算先

萬乘以啓行受命忘

口有穰苴之口口師下皇威而清朝塞攘敵之效公實  
首之旋加開府儀同三司景德元年 國家以公

有口口禦邊之績有龔黃惠民之口疇庸之際注口弥

隆議賞南宮丞舉旌賢之命改轍西楚遂升論道之司

加同中書門下平章事口州武寧軍節度使其下排陣

使受

面命於下坐遠星馳而戎道捨精銳之旅

軍於澶淵北門之外一旦戎騎數萬徑及城下公不俟  
擐甲獨當其鋒即日 乘輿至於候服 駐

蹕之始亟幸北城按節勞軍歡聲雷動二師迎□□前  
□六師賈勇以增□ 皇下闕闕於丹闕 示

慈折俎爰加禮於元戎錫宴於州之行宮賜射於宮之  
後巷 上射侯運中公与襄師次第中焉

上閱之喜遽命弓發矢隨而解之從官率觴稱賀左右  
咸呼萬歲卽時俱有襲衣寶帶雕鞍名馬之賜是時□  
□稽首下宸謀之獨斷□北邙以布堅□仁強弩以當  
前鋒苟閉壘以自安豈交兵而□勝公於 宸展

之側慷慨自陳曰臣無鷹犬之材蒙被驅策仰資

廟勝獲觀謚寧誠賴繼隆其申口海逃曠敗以期幸

媿勸勞而褒聞襄帥復頓首懇言口口口口石某

之下口口口上器公能口賢而崇下賜巨觴極歡而罷

及駮駢旋軹幕府口勲首益口封式隆寵數明年

肇禮行慶易壤推恩改陳州鎮安軍節度使宛

丘奧區順口而近先王舊泊之地布遺愛以在人高牙

繼世之榮嗣仁風而及物折薪之口未獲前修元口口

口口口天眷口口口口昭易改號既均於大

慶下於來朝修口上奉符而行公鳴珂以從

禘事岱宗之下捧俎封祀之壇及口祭於方祇洎歸格  
於  
清廟皆以侍中執事陟降  
帝右率禮無

違加檢校太師進邑千戶實食四百等詔歸鎮屬

大長公主美口有如良口未効口口口口口口口

口口口口口口之藥終歎於無口口口口口口口

逝不<sub>下</sub>勉力赴朝不敢言病洎涉旬而增篤方請告以

家居王人太醫相望於道  
天喪不憚  
翠葆亟

臨初  
上之來公雖困憊之甚不忘恭慎之儀尙

踔躍以門迎靡拖紳而卧見  
上駭公羸憊促

命左右掖以就榻委曲口口口口形于色公口口而涕

淚交下□□而闕下舍以何之嗚呼以大中祥符三年四月二日晡時啓手足於豐義坊之私第 天子初

口而覽奏極凡以震驚念同體之是虧歎截良之何速坐不俟且亟開苑門命昭宣使入內內侍省內侍都都知恩州刺史秦翰徑至其第口襄口口翌日口口都官郎中口口口口假口鴻臚持節下爲之助舉曲臺之議

典給溫明之秘器地臨洛汭曹京兆之新阡家象祁連霍將軍之故事卽以其年六月二十六日具鹵簿鼓吹奉公靈柩歸河南府洛陽縣平樂鄉宣武原耐 先王之塋與 大長公主合葬焉從周制也昔 先王儲

口之日五十七而薨公享任与年若合符契雖下而克

終盡善公又過之惟公儲大昂之純精稟空桐之勁氣

襟量豁無於城府志節確如於石席慕前哲之行事思

立功於當年其臨民則遵守朝經嚴明有制治戎則申

明軍政果敢必行折獄訟於片言究學問於餘力御家

嗃嗃守易象之格言事主兢兢奉詩人之深誠口以

嫉爲口口出於下之人常厚禮以延納其或邊隅告警

羽檄徵兵每裴革以上言口顏行而効命有踴躍用兵

之志多縱橫制勝之謀前後三摠丈人之師六換元戎

之幕風聲茂著勲望攸崇及蠶塞通驩輶軒修聘公以

威里台衡之重主靈口宴射之儀北使瞻十丈之奇姿

觀六鈞之絕藝歎月角山庭之闕下晉室英才中的獨推

於武子而已哉若夫位高能讓范宣子之存心功成不

伐孟之側之爲德昔亞夫絳侯之子也握兵漢室乏明

哲以保世官郭曖汾陽之嗣也尙主唐朝鮮勲庸以書

甲令夫如是則不驕而滿不溢善其始而令其終求之

口口公無媿於古人矣同氣三人長曰保興負雄武之

稱有下終於棣州防禦使季曰保從器宇恢宏風韻灑

落挺天鍾之秀氣遽促脩齡屈海運之雄圖靡登貴仕

終於東頭供奉官閣門祗候男十人崇儀副使貽孫禮

賓副使孝孫並驥騄奇材珪璋令器剝犀千鎔俱瑩神  
鋒捕虜梗楠終膺顯口餘口口口亡姪二人崇儀副使  
慶孫西頭供奉官關下女十有二人長適內園副使王承  
德次適右侍禁符承祐次適左侍禁閤門祗候薛貽廓  
次衣道士服法名靈通次男女五人自王氏長女而下  
凡九人並早亡次適西頭供奉官吳守嚴次二人在室  
大勲之後昭世祀以無疆盛德之門鏤冊書而有耀將  
口口佳城而流懿範播口石以永清芬而下豐碑對聳

虎承

睿旨恭述斯文銘曰

赫赫皇宋

天集駿命

祖功宗德

重熙累盛



帝運會昌

王圖多慶

允資鉅賢

以輔元聖

煌煌西下

才爲時生

星辰孕秀

岳瀆鍾靈

白猿授射

黃石傳兵

盤矛擅譽

探穴揚名

下

肯搆承家

建侯胙土

兩世旌麾

一門龍馬

乃守宛丘

先正舊封

乃服口口

奕葉上公

緇衣濟美

油幕臨戎

朝推碩德

人仰英風

天臨銅臺

親秉武節

時公先驅

奮揚威烈

將師而行

口人氣口

下

控弦犯塞

亟幸澶淵

時公受命

禦侮河壖

皇威誕震

睿略遐宣

卒臻偃伯

無復騷邊

愛國忘家

丹誠蘊積

推美讓功 令猷充塞 宸懼浹洽 聖言獎激

榮口二字 寵踰三錫 奉符喬岫 口宗仙口下

口祠攝事 恪慎如初 齋心匪懈 執禮無踰

鳳去秦樓 忽歸遼廓 夢奠兩楹 俄悲夜壑

梁木其摧 將星遽落 邦國殫瘁 冕旒震愕

荀池飾壤 滕室開銘 筠編勲伐 煙閣儀彤

邱阡舊襄 口樹新口下

大中祥符四年歲次辛亥十一月庚午朔四日建

勾當人曾福口貴 都勾當元隨押衙李拱 翟口

均鄒從善王德用翟文會鑄字

保吉守信之子保興弟傳俱見東都事略白憲書復  
有大中祥符七年中嶽中天崇聖帝碑在登封字亦

端雅

中州金  
石記

碑多漫滅書換人名氏俱不見今案其叙保吉歷官  
始末與宋史互勘太平興國初遷愛州防禦使以碑  
攷之尙有進檢校司空起復爲威塞軍節度以碑攷  
之尙有雲麾將軍右金吾衛大將軍其由大名改橫  
海也碑仍紀加檢校太傅進封西平郡開國公而本  
傳皆不書史從略也又碑言保吉占籍家于真定後  
徙浚儀史但云開封浚儀人是沒其祖居所自于文

太不備此更宜以碑爲據也保吉堃平樂鄉宜武原  
先王之塋然則守信墓亦在此惜其碑無傳而傳訛  
致誤故附著于此俟訪得之爲補續也

授堂金石三跋

按碑爲李宗諤撰白憲書史傳宗諤字昌武七歲  
能屬文大中祥符五年五月卒歷官與碑結銜同  
此碑立于四年十一月距其卒不遠矣白憲史無  
傳書譜引嵩陽石刻記祇載其所書中嶽中天崇  
聖帝一碑不載此碑亦不詳事蹟碑稱考守信追  
封秦王史傳及東都事略皆云追封武威郡王碑  
云太祖皇帝第二女降星津而下嫁此卽延慶公

主也累封晉國大長公主先一年薨病時設醮西  
嶽有題記已見前卷碑稱第二女隆平集作第五  
女宋史公主傳太祖六女三主早亾長魏國次卽  
延慶若爲第五女則早亾者皆二三四女矣太宗  
紀太平興國三年祀鬪丘四年伐太原端拱元年  
耕藉田真宗景德元年親征澶淵碑所載皆合其  
卒也碑不云薨而云啓手足保興碑同又卒後與公主  
合葬不云禮也而云從周制也皆他碑所未見者  
碑云舉曲臺之謚典則應有加謚而文內未見史  
傳云謚莊武隆平集及東都事略皆作壯武未知

孰是卒之前碑云請告家居翠葆亟臨是卒于家也諸傳皆不言其告歸此則碑之異者又書孟子反爲孟之側論語注魯大夫孟之側杜預曰之側孟氏族字反碑蓋書其名也序末云虎承睿旨恭述斯文虎疑是虔生女十二人第四女則衣道士服法名元通當時風尙如此猶太宗之女邠國公主爲尼號圓明大師眞宗之女昇國公主入道號清虛靈照大師是也

石保興碑

碑高一丈四尺四寸廣五尺九寸五分三寸六行行一百五十字行書篆額在洛陽石碑室

大宋故棣州防禦使光祿大夫檢校方口口持節棣州  
諸軍事行棣州刺史兼御史大夫上柱國西平郡開國  
公食邑三千四百戶食實封貳伯戶贈貝州觀察使石  
公神道碑銘

翰林學士通奉大夫行尙書戶部郎中知制誥同  
修國史口史館事上柱國南陽郡開國侯食邑一千  
一百戶賜紫金魚袋臣楊億奉勅撰

翰林待詔朝散大夫守太府少卿同正騎都尉賜  
紫金魚袋臣尹熙古奉勅書并篆額

夫功加于時周官藏於盟府忠以奉上馬史列於世家

蓋智勇之誕生必在乎將相之族慶靈之回復允鍾乎  
公侯之門若乃馮厚於德基濟美於烈閔若季孫之仕  
魯是爲世卿條侯之仕漢繼掌兵柄□□餘比光弗□  
人見之於西□公矣 公諱□□字□□其先□□□  
周之胄盛於淇衛之邗春秋所記官族甚盛孝謹之譽  
旣符於西京偉麗之姿實顯於晉室積累深遠蕃衍扶  
疎今爲大梁人也惟烈考諱守信以河目龜文之表通  
龍韜鸞冠之學□□祖以光啓王業奉□宗以四征□  
□握兵星□□□□□□

太祖宣戡亂

之功佐佑

太宗極常尊之數周旋無悔高



朗令終凡節制五鎮而一保釐西都歷位守中書令追冊爲尙書令衛王累封秦王而曾王父諱銳累贈太保兼侍中曾祖妣王氏追封趙國太夫人王父口累贈太師兼中書令祖妣王氏追封魏國太夫人皆由口口之貴口口口王之口口母曰秦國太夫人魏氏蘊積善慶誕生峻良公始在孩提居然穎秀歧嶷之表本乎天資偏伍之容彰於兒戲先王見而異之拊其背曰軍旅之事仲尼辭以未聞詩禮之資卻縠由之登用不學牆面古典所非遺子金籊昔人不取因遣就外傳俾之講習口口口口併曉口口口而不遺多識前言博通大義建

隆初以子之令補東頭供奉官始年十四口口尚食  
副使

太祖方創業垂統訓師阜財丕昭皇  
靈式遏亂略寤寐人傑講求武經成湯之日新是圖文  
王之朝食靡暇每東口延訪之口西清口口之口必口  
口口口口口口口其能或質之以頰掣俾剖釋其槃  
結或叩之以疑似俾彈射其否臧咫尺不違口機攸慎  
公應對明辯風義甚高

太祖奇之卽拜如

京使且有意於進用也屬紫壇蒼壁將事於親口匱案  
惟口口嚴於宿寢命公爲御營四面都巡檢口口口  
口口口口口口口居岑寂羣靈受職而咸泊

至尊高枕而攸寧未幾領順州刺史專域之重荐啓於  
侯封兩綬之榮仍忝於內侍  
太宗皇帝天

飛在運帝錄升名四夷奉珎諸侯輯瑞闕越舉穴而宿  
衛勾吳獻曰於有司九州攸同三乘濶□□□□□  
□□□□□□□□□□□□□□□□□□□□□□□  
容進對慷慨請討願得執爰以脩前驅□掄而當一隊  
太宗嘉之以爲御塞四面都巡檢架入之  
舉止誅於元惡干掇之寄允賴於□□帝□無□□之  
虞群下□□□之罰太原平錄其勞加實封

太宗益知其有馭衆之略將付以治戎之任天街之

北祲氛未消引弓之民仍歲爲寇自晉人失幽陵之地  
周室復三關之壤列鄣相望盛兵□□有李□守□  
之能□□□□防□之□□□命公爲□陽關駐泊都  
監公內□□□外□□□□□□□□容□生  
養威懷必勝之略單醪所及絕甘而悉周燿火斯傳對  
博而無廢威名以震紀律用張會先王捐館宛丘公卽  
見星而往行哭孺慕哀感路人倚廬絕漿僅成死孝有  
詔起復□□將軍順州團練使□世之賞□□於元□  
□墨之□乃□□□□雍熙□□□□□□□□  
□支之生羌連党項之雜種犯關縱擾以干靈誅命公

爲銀夏綏麟府州故關都巡檢使秋氣始至塞外早寒  
□□□膠折弓勁公因率麾下以□戎索由卷□塞  
並黑□□□中戎人數千騎安義於□□立分精騎  
二千持短兵伏於□側戎人□□□□□□以□□  
□急擊斬首百餘級逐北數十里鼓僂泓水膈合於沉  
機獻馘泮宮聿騰於善頌□詔褒論英聲著聞俄丁內  
艱殆將滅性中旨抑奪急于用才出爲澶州駐泊都監  
以綏軍政朔方鶴□□車未□□頁銀夏徼巡之寄兩  
河□□佳兵未戢復□高陽□□□□□□知□□  
軍未幾知莫州軍州寧涿鹿之野百雉□制惟雄文□

之邢九合之口所出公緩帶爲治雅歌自娛疆事益修  
條口咸叙

太宗念服戎之斯久屬乘塞之

甫寧口口口口口口修觀俄爲西京水南北都巡檢使  
賈先王口守之地多口口去口口之人口口口口素口口  
口第美積成列俯運於塋阡慰勤孝之口懷多口公之  
清宴時星方猶朗乎口方馳公慨然歎曰金革未息吾  
恐不得久居此矣月餘真拜斬州團練使京兆府駐泊  
兵馬鈐轄兼管華口口商巡檢兵馬捕口等事戎首假  
息口口於恢踈邊壘戒嚴不忘於備口口口口鎮口口  
所集兼總數道以當一面徙公爲延州路鈐轄兼管界

都巡檢使至道中命范廷召爲都部署俾公副之總萬  
旅以口征口五口而口會山川聚米膚已見於成擒甲  
冑起口才皆思於賈勇旣致千口之口乃爲絕漠之行  
錫口口容昆口金鼓之口口口有口口口口口口  
口拒王師公以其蠢蠢之妖無假堂堂之陣選敢死士  
數百人銜枚夜襲盡滅其族無有噍類自是吳移越移  
等口公口口口恩望風來歸適與賊遇口口池彼旣口  
口公口口口出口口口口口口口中流矢而踏公樞  
立口口口口敢向口口口口口口口口口口口口  
口口口我而我武益奮兇黨遂奔左輪朱丹豈嘗言室





移知邢州又改知澶州事衆潦並集洪河暴漲激竹箭  
 之迅浪溢金隄之口防公洗心以齋口口致口考古制  
 以沉口口口口口口口口口口口口口口口口口口水  
 口攸口是口口苗亦有秋樂和之聲騰於里諺保鄆之  
 効簡于天衷而美珎有加削章荐至亦既受代肩輿  
 而歸賜告家居以便頤養王人太醫晨夕詠問嗚呼不  
 幸以口口口口年秋八月十一日啓手足於口義坊之第  
 享年五十口口口聞訃嗟悼口久口口口

口口口口口口守口監護喪事凡百費用悉從官給以明  
 年秋八月甲午歸葬於河南洛陽縣平樂鄉宜武村梓

澤原之先塋舉夫人洪農縣君楊氏祔焉禮也夫人卽  
故保大軍節度使廷璋之口女口口口德儀于通門先  
公而亡不口口口口口口口口口崇儀口口口口口  
口口口口口口內朝嘗爲小相角巾東道方庇大宗實  
華胄之恭人鍾高閣之積慶次日懿孫西頭供奉官温  
良自守淑慎靡渝俯及勝冠已彰肯構五女長適西頭  
供奉官閤門祔候程繼忠故口州團練使口元之子次  
適侍禁口永崇故鎮口將軍節度使廷口之子次適口  
口子口口口政口適供奉官曹伸今殿前都指揮使宿  
肺瘵之子次在室惟程氏李氏及幼女皆天孫二人長

宗道右班殿直次尚芳孫女一人亦幼母弟故鎮安軍  
節度使檢校太師同中書門下平章事駙馬都尉口中  
書令諱保吉□□□□□□□□□□□□□□□□□□□□  
□□□□□□□□偉望冠于友邦胡不永年茲用太息  
季弟保從東頭供奉官閣門祗候夙負美材未躋應仕  
亦悲早世莫申永圖中書之二子曰貽孫崇儀副使孝  
孫禮賓副使咸挺英概無忝貽謀□下之徵□大□□  
公之歷官□□□□□□□□□□□□□□□□□□□□  
□□□□□□□□公菜邑果千室其祿位之盛矣五典  
郡政八司戎律屢馳使傳三護大營斯倚任之重矣公

至性純孝勤於致養先王太夫人或晦明微瘵息偃弗  
康冠帶侍旁口調自手藥先嘗而乃進口宿露以口口  
出於誠心未遑卜口而口口口口口口口口口口口口  
口口口口口口口口美閩門稱梯至於擊劔之妙飲羽之  
能絕出輩流莫可倫擬穰苴兵法孔明陣圖與匠之占  
圯橋之略悉探其賢必索其精加以涉獵史傳應荅無  
滯吟詠情性叩課特工莅灑淵日作言懷詩一篇叙止  
足之意得比興之體傳口人口作口口口口口口口口  
口口口口口口口口漢藉攸記翁歸兼文武之才惟四美  
之難偕於公斯無闕矣矧又體貌魁傑志懷沉毅重夫

然諾兼金是輕嫉彼回邪過門必騁善保基緒重世而  
莫京謹守廉隅歷官而無過咨所謂人倫之口子王國  
之吉士者口大中祥符口年口口口口之口口口流根  
之口

貝州觀察使貽燕之祉久而益光褒

命之數茲焉爲異公本名貞

太祖改賜今

諱允協充問之虔以成知臣之美公亦拜君之賜遐思  
而有光裕父之靈聿修而無忝載德之盛良可述焉諸  
孤等以窳窳卽安歲月增逝口口口口口口口口口口  
口口口口口口口口刊貞嚮猥頒 俞旨屬於下臣頌  
慙空踈謬當論謨九原可作方惻於 宸襟一字之

褒虔遵於直筆銘曰

先民有言 立功不朽 公于出征 屢折戎醜 大

易之訓 積善慶餘 公之肯構 克昌門閭 紫禁

承榮 倫侯列爵 印兮纍纍 綬兮若若 通都列

城 居官有恪 二矛重弓 從軍信樂 擊鼓其鐃

我□□□ □□□□ □□□□ □□□□ □□□□

威名日彰 嗚呼不弔 今也云亡 曲洛東流 維

嵩南峙 鞏樹蒼茫 周原彌迤 逝者如斯 人生

到此 真宅言歸 新阡鬱起 日車奔兮風駟馳

口舟趨兮灰琯移 夜沒漫兮佳城閉 露瀼瀼兮宿

草滋

□□□□□□□□□□德方□□□□□□

□□ 欲報德方無期 託斯文方篆刻 尉終天之

孝思 壽甯石方表幽域 巨方來方無愧辭

大中祥符四年歲次辛亥十二月庚子朔十一日庚戌建

翟詢翟文口刻

勾當人張 羅

保興守信之子碑載事蹟與宋史頗合而歷官較詳保興先爲銀夏綏麟府州故關都巡檢使丁內艱起爲澶州駐泊都監史載澶州駐泊在徙銀夏綏麟都

巡檢使之前當以碑爲正餘銜亦少有異同碑云公  
本名貞太祖改錫今諱史云本名保正太祖取興宗  
之義改之東都事略亦作保正宋人避仁宗嫌名故  
也按碑保興葬于河南洛陽縣平樂鄉宣武邨梓澤  
原之先塋今墓見存尹熙古者書史會要云官翰林  
待詔工篆得撥鐙法所書爲一時之絕觀其行書有  
唐人風格而出于王右軍信可愛也東都事略保興  
傳甚畧而宋史甚詳當据此碑而作然則金石之傳  
其功不小矣

中州金石記

碑下截已損缺就識尙可句碑言保興當太祖時進



如京使卽爲御管四面都巡檢史不備載碑言爲京

州府兵馬駐泊鈐轄兼管華

缺二字

商巡檢兵馬捕盜

等事徒爲延州路鈐轄兼管界都巡檢使則史較此  
爲略也保興本名保正碑云本名貞此由仁宗諱禎  
當時史館收此並避貞故遂易貞爲正而元修宋史  
相仍不改故耳碑久爲金石攷收及但誤爲石守信  
則非小誤也

府志同此款

書有二王遺法尤爲宋刻所希

授堂金右三號

按此碑撰者楊億書者尹熙古史傳億字大年建

州浦城人七歲能屬文淳化中詣闕獻文命試翰

林賜進士第景德三年以後歷官與碑合大中祥符五年以疾告此碑立于四年在未疾之前一年尹熙古無傳此碑諱字皆泐惟題稱棣州防禦使石公考諱守信弟諱保吉季弟諱保從前後證之可定其爲石保興碑也碑泐其卒年据傳是咸平五年又享年五十下泐一字据傳是五十八碑云以明年秋八月甲午歸葬係六年而立碑在葬後八年殆因弟保吉卒營葬時同請于朝而後皆奉勅撰書以立也保吉碑立于大中祥符四年十一月四日此碑立于四年十二月十一日是在立保

吉碑後一月餘然保吉碑已有豐碑對聳之語是  
二碑並立也保興葬所平樂鄉宣武村先塋與保  
吉同是同附一處所謂對聳當卽指此碑則其父  
守信自必有碑不可攷矣碑書先世自曾祖以下  
皆詳及其妣保吉碑不書彼此少異餘則未有異  
例也碑書二子長子名泐据史名元孫次日懿孫  
史則不書然保吉碑又載姪二人崇儀副使慶孫  
西頭供奉官下泐當是元孫史稱元孫以蔭爲東  
頭供奉官或東西互異耳而慶孫則史未見豈元  
孫之兄耶抑保從之子耶保從早世兩碑不言其

有子然史於保興傳有云保興世豪貴果財鉅萬  
悉爲季弟保從之子所廢是保從有子矣碑言保  
興能詩益漚淵日作言懷詩一篇今宋詩紀事不  
存是久佚也